



ATASSUT INATSISARTUNI

ATASSUT

UKA 2013/107-1

Gerhardt Petersen

02.10.2013

Issittumi imaani uuliakoornermut upalungaarsimanissamut akiuiniarnermullu tunngatillugu suleqatigiinnissaq pillugu isumaqatigiissummut Kunngaqarfik Danmarkip akuersinerata Namminersorlutik Oqartussanit ilalernerqarnissaa pillugu Inatsisartut aalajangiiffigisassaattut siunnersuut.

(Inuussutissarsiornermut Aatsitassaqaarnermullu Naalakkersuisoq)

Canada, Danmark, Finland, Island, Norge, Rusland, Sverige aammalu USA Issittumi imaani uuliakoornermut upalungaarsimanissamut akiuiniarnermullu tunngatillugu suleqatigiinnissaq pillugu isumaqatigiissummut Kunngaqarfik Danmark.ip akuersinerata Namminersorlutik Oqartussanit ilalernerqarnissaa pillugu Inatsisartut aalajangiiffigisassaattut siunnersuut ATASSUT-mit ilaliissutaasumik imaattumik oqaaseqarfigissavarput:

Issittup imartaani mingutsitsisoqassagalarpat upalungaarsimanissamut akiuiniarnermullu suleqatigiinnissaq pissusissamisoorluinnassaaq, aammalu nunat issittumiittut namminneq imartaminni akisussaaffiginnikkaluarlutik akunnerminni suleqatigiikkasuarsinnaanerat pitsaanerpaaffimminiitinneqartuartariaqarpoq.

Kalaallit Nunaanni aatsitassarsiorluni ingerlatanut tunngatillugu, aatsitassanut ikummatissanullu inatsit malillugu akuersissutinut pisinnaatitsissummik pigisaqartut, uuliakoornikkut mingutsitsisoqassagalarpat upalungaarsimanermit, akiuiniarnermut saliinissamullu akisussaasuunerat erseqqissumik piumasaqaataammat ATASSUT-mit naammagisimaarinnippugut.

Taamaakkaluartorli ataatsimut isigalugu issittumi annertuumik mingutsitsisoqarsinnaanera upalungaarsimaffiginiarlugu nunat issittumut attuumassuteqartut suleqatigiikkasuarsinnaanerat



ATASSUT INATSIARTUNI

nunatsinnut iluaqutaangaartussaammat apeqquusiinertaqanngitsumik Kalaallit Nunarput ilaliissasoq ATASSUT-mit siunnersuut manna tapersorsorparput.

Tamannali uniffigiinnarnagu aamma isumaqatigiissummi matumani pineqartumi erseqqissarneqarmat nunat imartaminnut namminneq sillimaniarnikkut upalungaarsimanikkullu piareersimasuuteqarnissaminnik pisussaaffeqartussaasut, tamattalu ilisimalereeratsigu Naalagaaffiup annikinngitsumik nunatta imartaani oqartussaaffigisamini kinguaattooqqanini nassuerutigereeraa ATASSUT-mit Naalakkersuisunut kaammattuutigissavarput pisinnaatitsissummik pigisaqartut isumalluutigiinnarnagit mingutsitsisoqarsinnaaneranut Naalagaaffiup upalungaarsimanerata annertusarneqarnissaa isumannaarneqarsinnaaqqullugu Danskít Naalakkersuisuinut piumasaqaatitalimmik aammalu neriorsuinertalimmik angusaqarfiusumillu isumaqatigiinniartoqassasoq.

Taamatut oqaaseqaateqarluta aammalu Naalakkersuisunut kaammattuuteqarluta ATASSUT-mit inassutigissavarput siunnersuut akuersaarneqassasoq.